

Маҳалла

1996 йилдан чиқа бошлаган * 2013 йил 15 октябрь, Сешанба №86 (948) * www.mahallagzt.uz * info@mahallagzt.uz

САМИМИЙ ҚУТЛОВЛАР

Муборак Қурбон ҳайити муносабати билан Ўзбекистон Республикаси Президенти Ислам Каримов номига қатор хорижий мамлакат ва халқаро ташкилотлар раҳбарлари номидан самимий қутловлар келмоқда. Уларда давлатимиз раҳбарига мустаҳкам соғлиқ, муваффақиятлар, Ўзбекистон халқига тинчлик, хотиржамлик, тараққиёт ҳамда фаровонлик тилаб, эзгу ва самимий истаклар билдирилган.

- | | |
|-----------------------------------------------------------------------------------------------------------------|----------------------------------------------|
| Жумладан: | |
| Америка Қўшма Штатлари Президенти | Барак Ҳусейн Обама; |
| Иордания Подшоҳи | Абдуллоҳ Иккинчи бин ал-Ҳусайн; |
| Қатар Давлати Амири | Шайх Тамим бин Ҳамад Ол Соний; |
| Қатар Давлати Бош вазири, Ички ишлар вазири | Шайх Абдуллоҳ бин Носир бин Халифа Ол Соний; |
| Фаластин Давлати Президенти, Фаластин озодлик ташкилоти Ижроия қўмитаси раиси, Фаластин миллий маъмурияти раиси | Маҳмуд Аббос; |
| Озарбайжон Республикаси Президенти | Илҳом Алиев; |
| Туркманистон Президенти | Гурбангули Бердимухамедов; |
| Тожикистон Республикаси Президенти | Имомали Раҳмон; |

Кавказ мусулмонлари бошқармаси раиси Шайх ул-ислом Олоҳшур Пошшоода ўз табрикларини йўладилар. Қутловлар келиши давом этмоқда.

ЎЗБЕКИСТОН РЕСПУБЛИКАСИ ПРЕЗИДЕНТИ ИСЛОМ КАРИМОВ ЖАНОБИ ОЛИЙЛАРИГА

Ассалому алайкум ва раҳматуллоҳи ва барокотуҳу. Муҳтарам Президент Жаноби Олийлари.

Ушбу саодатли кунларда Сизни ва Сиз орқали барча юртдошларимизни улуг айём — Қурбон ҳайити билан муборак заминда ҳаж ибодатини адо этаётган ҳожиларимиз номидан самимий муборакбод этамиз.

Истиқлол шарофати билан динимиз арконларини эмин-эркин бажариш учун барча шароитлар, ҳусусан, Ватанимиздан муборак ҳаж сафарига бораётган фуқароларимиз учун яратиб берилаётган имконият ва қулайликлар Сизнинг ўз халқингизга бўлган оталарча гам-хураинингиз намунаси.

Мустақиллик йилларида миллий-диний қадриятларга кўрсатилаётган алоҳида эътибор ва эҳтиромингиз туфайли азиз авлиёлари-миз қадамжолари обод этилиб, халқимиз ардоғидаги табаррук манзилларга айланганлиги, юртимиздан етишиб чиққан буюк олим фузалолар асарларининг нашр этилиши ҳамда халқимиз, айниқса, ёшларимиз маънавиятини юксалтириш борасида амалга оширилган эзгу ва хайрли ишлар юртдошларимизни янада улкан зафарлар сари руҳлантирмоқда.

Биз, ўзбекистонлик ҳожилар Маккаи мукаррама, Мадинаи мунаввара каби қутлуг замида туриб, Сизнинг раҳнамолигингизда мустақил юртимиз ҳамisha омон, элимиз тинч, осмонимиз мусалффо, турмушимиз янада обод бўлишини Яратқандан илтижо қилиб сурамоқдамиз.

Муҳтарам Президент Жаноблар, Аллоҳ таолодан Сизга узоқ умр, мустаҳкам соғлиқ, бахт-саодат тилаб, халқимиз ва азиз диёримизни ҳамisha Ўз паноҳида асрашини сураб дуолар қилиб қоламиз.

Вассалому алайкум ва раҳматуллоҳи ва барокотуҳу.

Ўзбекистон ҳожилари номидан муфтий Усмонхон АЛИМОВ

Маккаи мукаррама, Арафот водийси. 2013 йил, октябрь.

ҚАРОР ВА ИЖРО

ЙИГИНЛАР ФАОЛИЯТИ ЯНАДА ТАКОМИЛЛАШАДИ

Тарихи неча минг йилликларга бориб тақаладиган, фаолияти инсонпарварлик, саховат ва мурувват каби эзгу қисматларга йўғрилган маҳалла фуқаролар йиғини истиқлол шарофати билан ўзининг ҳуқуқий мақоми, ваколати ва аниқ вазифаларига эга бўлди.

Юртимизда маҳалланинг вазифалари кўлами тобора кенгайиб, халқчил идора сифатида аҳолининг таянчи ва суянчига айланди.

Юртбошимиз томонидан илгари сурилган Мамлакатимизда демократик ислохотларни янада чуқурлаштириш ва фуқаролик жамиятини ривожлантириш концепциясида билдирилган гоя ва тақлифлар асосида янги таҳрирда қабул қилинган «Фуқароларнинг ўзини ўзи бошқариш органлари туғрида»ги Қарори қабул қилинди.

Жорий йилнинг 7 октябрь кунини Ўзбекистон Республикаси Вазирилар Маҳкамасининг «Фуқароларнинг ўзини ўзи бошқариш органлари фаолиятини янада такомиллаштириш чора-тадбирлари туғрида»ги Қарори қабул қилинди.

Янги таҳрирдаги «Фуқароларнинг ўзини ўзи бошқариш органлари туғрида»ги қонуinning 10-, 14- ва 18-моддаларига мувофиқ, шунинг-

дек, фуқаролар йиғинлари фаолиятининг ташкилий асосларини такомиллаштириш, уларнинг жамият ҳаётидаги ўрни ва аҳамиятини янада ошириш мақсадида қабул қилинган ушбу Қарор маҳаллалар учун жуда аҳамиятлидир. Қарор асосида Фуқаролар йиғини туғридаги Намунавий Низом, йиғин ҳузуридаги Тафтиш комиссияси, шунингдек, асосий фаолият йўналишлари бўйича Яраштириш, Матрифат ва маънавият масалалари, Ижтимоий қўлаб-қувватлаш, Хотин-қизлар билан ишлаш, Вояга етмаганлар, ёшлар ва спорт масалалари, Тадбиркорлик фаолияти ва оилавий бизнесни ривожлантириш масалалари, Экология ва табиатни муҳофизат қилиш, ободонлаштириш ва кукаламзорлаштириш, Жамоатчилик назорати ва ис-

теъмоличларнинг ҳуқуқлари-ни ҳимоя қилиш бўйича комиссиялар туғридаги Намунавий Низомлар тасдиқланди. Шу билан бирга, Қарор асосида фуқаролар йиғини раисининг гувоҳномаси туғридаги Низом ҳам тасдиқланди.

Ушбу Низомларнинг аввалгиларидан фарқи шундаки, улар янги таҳрирдаги «Фуқароларнинг ўзини ўзи бошқариш органлари туғрида»ги қонун талаблари асосида такомиллашган. Бу эса фуқаролар йиғинларининг янада самарали фаолият юритиши учун аниқ муқоадир.

Шунингдек, Вазирлар Маҳкамасининг мажмур Қарори асосида Ўзбекистон «Маҳалла» хайрия жамоат фонди ва Адлия вазирилик томонидан тегишли ташкилотлар билан ҳамкорликда тайёрланган Фуқаролар йиғинининг диний

таърифи ва маънавий-ахлоқий тарбия масалалари бўйича маслаҳатчиси фаолияти туғридаги ҳамда Фуқаролар йиғинларида иш юритишни ташкил қилиш ва олиб бориш тартиби туғридаги Низом маъқулланди.

Энг муҳими, «Маҳалла» хайрия жамоат фондида Қорақалпоғистон Республикаси Вазирилар Кенгаши, вилоятлар ва Тошкент шаҳар ҳокимликлари, манфаатдор вазирликлар ва идоралар тасдиқланган Намунавий Низомлар асосида фуқароларнинг ўзини ўзи бошқариш органлари ўз фаолиятини мазкур Низомлар асоси-

да ташкил этишига кўмаклашиши белгиланди.

Қарорда фуқароларнинг ўзини ўзи бошқариш органлари ходимлари ва фаолларнинг маънавиятини оширишга доир ўқув-семинарлар ташкил этиши ва утказиш ҳам ўрин олган. Бу эса фуқаролар йиғинлари фаолиятини ҳар томонлама ривожлантиришнинг амалдаги ифодасидир.

Газетамизнинг ушбу сонидан бошлаб Ўзбекистон Республикаси Вазирилар Маҳкамасининг юқоридаги Қарори асосида тасдиқланган ва маъқулланган Намунавий Низомлар бериб борилади.

ТАҲРИРИЯТ. > [3-4]

2013 йил — ОБОД ТУРМУШ ЙИЛИ



КЎРКАМ ВА ШИНАМЛИҚДАН КЎНГИЛ ЗАВҚҚА ТЎЛАДИ

Президентимиз Ислам Каримовнинг 2009 йил 3 августда қабул қилинган «Қишлоқ жойларда уй-жой қурилиши кўламини кенгайтиришга оид қўшимча чора-тадбирлар туғрисида»ги қарорни ижросини таъминлаш доирасида Қашқадарё вилоятида қишлоқлар инфрақурилишини ривожлантириш, аҳолининг турмуш шароитини янада яхшилаш борасида изчил ишлар олиб борилмақда.

Намунавий лойиҳалар асосида турар-жой массивларини қуриш, замонавий ижтимоий инфрақурилишни яратиб боради, айниқса, Қарши туманидаги «Мирмирон» ма-

войхона, болалар майдончаси, кенг ва тоза кўчаларни қуриб, кўнгил завққа тўлади.

Барча қулайликларга эга, намунавий лойиҳалар асосида барпо этилган 290 та уй-жой маҳалла кўр-кига кўрк, файз бағишлаш билан бирга янги хонадон соҳибларининг ободликда ва фаровон турмуш кечирishiга хизмат қилмоқда.

Суратда: Қарши туманидаги «Мирмирон» маҳалласи.

ҚАДРИЯТ

МЕҲР-ОҚИБАТ ВА МУРУВВАТ АЙЁМИ



Президентимиз Ислам Каримов раҳнамолигида миллий ва диний қадриятларимизни тиклаш ҳамда ривожлантиришга қаратилган алоҳида эътибор аҳоли ўртасида ахиллик, ҳамжиҳатлик ва меҳр-оқибатни мустаҳкамлаш, ёш авлод маънавиятини янада юксалтиришга хизмат қилмоқда.

Истиқлол туфайли қайта тикланган ва кенг нишонланаётган Қурбон ва Рамазон ҳайитлари бунинг ёрқин далилидир.

Давлатимиз раҳбарининг 2013 йил 8 октябрда қабул қилинган «Қурбон ҳайитини нишонлаш туғрисида»ги қарорига мувофиқ, мамлакатимизда Қурбон ҳайитининг тартибли, халқимизнинг миллий қадриятларига мос равишда ўттишини таъминлаш юзасидан кенг кўламли ишлар амалга оширилмоқда.

Ҳусусан, Ўзбекистон «Маҳалла» хайрия жамоат фонди ва унинг жойлардаги бўлим ва бўлинмалари томонидан Қурбон ҳайити муносабати билан амалга оширилаётган чора-тадбирлар режаси ишлаб чиқилди.

> [2]



ЮРТИНГ ОБОД — ДИЛИНГ ОБОД ТОШКЕНТ ВИЛОЯТИ

«Обод турмуш йили» Давлат дастурида кам таъминланган оилалар аъзолари ва имконияти чекланган 40 минг нафардан зиёд фуқароларнинг мамлакатимизнинг тарихий шаҳарларига саёҳатларини ташкил этиш белгиланган. Ушбу тадбирларни амалга оширишда биргина «Маҳалла» хайрия жамоат фонди Тошкент вилояти бўлими ҳамда бўлинмалари томонидан қатор ишлар бажарилди. Ҳусусан, жорий йилнинг ўтган тўққиз ойи давомида вилоятдаги кам таъминланган, боқувчисини йўқотган оилалар аъзолари, ёлғиз кексаларнинг юртимизнинг тарихий шаҳарларига саёҳатлари уюштирилди. Шунингдек, «Маҳалла» хайрия жамоат фонди Қўйи Чирчиқ тумани бўлимаси «Нуроний» жамғармаси билан ҳамкорликда тумандаги ёлғиз кексаларни Бухоро шаҳрига, Оҳангарон туманидаги Бирлик қишлоқ фуқаролар йиғини ҳамда «Намуна» маҳаллаларида яшовчи 36 нафар кам таъминланган фуқароларнинг Самарқанд шаҳрига саёҳати ташкил этилди.

Паркент туманидаги «Чўқмай» маҳалла фуқаролар йиғини аҳолисида 50 нафари Самарқанд шаҳрини зиёрат қилган бўлса, Ўрта Чирчиқ туманидаги Қорасув, Истиқлол, Навоий, Пахтаобод, Янги турмуш, Янги ҳаёт, Уйин ва Ангор қишлоқ фуқаролар йиғинларининг 956 нафар кам таъминланган ва ижтимоий ҳимояга муҳтож аҳли Хива, Бухоро, Қўқон ва Марғилон шаҳарларидаги тарихий обидаларни томоша қилишди.

Қибрай туманидаги Салар шаҳарча фуқаролар йиғини ҳамда Чинобод қишлоқ фуқаролар йиғинидан 100 нафар, Зангиота туманидан эса 20 та оиланинг 50 нафардан зиёд фарзанди Хива, Тошкент, Самарқанд ва Бухоро шаҳарларини саёҳат қилиб қайтди.

Савобталаб ҳомийлар ҳам бундай хайрли ишлардан четда қўл қовуштириб туришмади. Улар томонидан 5230 нафар эҳтиёжманд фуқароларнинг мамлакатимиздаги муқаддас қадимжоларга таширифи ташкил этилди.

Саёҳатлар давомида зиёратчилар мустақиллик йилларида Юртбошимиз раҳнамолигида тарихий қадимжоларда амалга оширилган бунёдкорлик ва ободонлаштириш ишлари билан яқиндан танишдилар.

Зулхумор ЖўРАЕВА, «Маҳалла» хайрия жамоат фонди Тошкент вилояти бўлими бошқаруви бош мутахассиси.

ТАРАҚҚИЁТ МЕЗОНЛАРИ

Тинчлик ва юксалиш йўлидаги ҳамкорлик



Буюк ўтмиши, ноёб маданияти ва улкан ижтимоий-иқтисодий салоҳияти боис дунё мамлакатлари орасида ўзига хос макъа эгаллаган Хитой давлати билан Ўзбекистоннинг ўзаро муносабатлари илдизи узоқ ўтмишга бориб тақалади.

Халқларимиз ўртасида дўстона ва ўзаро хурматга асосланган серқирра алоқалардан гувоҳлик берувчи воқеалар, маданиятларнинг Буюк Ипак йўли орқали ўзаро таъсир ва бир-бирини бойитишига оид маълумотлар неча юз йиллик тарихий кўлёмалар саҳифаларида сақланиб қолган. Бундай кўп асрлик муносабатлар замонавий босқичда ҳам ривож топмоқда. Айниқса, мустақиллик йилларида сиёсий, савдо-иқтисодий, кредит-молия ва маданий-гуманитар соҳаларда ҳамкорлик кун сайин раванг топиб, давлатларимиз ўртасида ўзаро ишонч, очиклик ва хурматга асосланган фаол сиёсий мулоқот олиб борилаётган. Давлат раҳбарлари даражасида амалга оширилаётган таширифлар кўп қиррали муносабатларнинг жадал кенгайиши ва янада чуқурлашуви кўмаклашмоқда.

> [2]

